



LISTA PITANJA

(za sticanje znanja predsjednika i članova biračkog odbora)

I – DAN PRIJE ODRŽAVANJA IZBORA

Pitanje broj (1)

Centralna izborna komisija BiH osigurava biračkim mjestima izborni materijal koji obuhvata osjetljivi i ostali izborni materijal. Osjetljivi izborni materijal se sastoji od:

- a) glasački listići i obrasci iz člana 93. Pravilnika o provođenju izbora u BiH
- b) glasački listići i izvodi iz konačnog Centralnog biračkog spiska po biračkim mjestima
- c) glasački listići, obrasci iz člana 93. Pravilnika o provođenju izbora u BiH, izvodi iz konačnog Centralnog biračkog spiska po biračkim mjestima i štambilj iz člana 2. stav (1) tačka 31. Pravilnika

Pitanje broj (2)

Ukoliko izborna komisija, nakon prijema izbornog materijala, uoči određene nedostatke u pogledu količine i vrste primljenog izbornog materijala, dužna je:

- a) odmah, a najkasnije u roku od 12 sati od prijema izbornog materijala, pismeno izvijestiti Centralnu izbornu komisiju BiH kako bi se otklonili uočeni, ali opravdani nedostaci
- b) odmah, a najkasnije u roku od 24 sata od prijema izbornog materijala, pismeno izvijestiti Centralnu izbornu komisiju BiH kako bi se otklonili uočeni, ali opravdani nedostaci
- c) odmah, a najkasnije u roku od 48 sati od prijema izbornog materijala, pismeno izvijestiti Centralnu izbornu komisiju BiH kako bi se otklonili uočeni, ali opravdani nedostaci

Pitanje broj (3)

Za primopredaju izbornog materijala od i prema Centralnoj izornoj komisiji BiH odgovoran je:

- a) predsjednik izborne komisije ili član izborne komisije kojeg ovlasti predsjednik izborne komisije
- b) predsjednik biračkog odbora ili član biračkog odbora kojeg ovlasti predsjednik izborne komisije
- c) predsjednik izborne komisije ili predsjednik biračkog odbora

Pitanje broj (4)

Izborna komisija dan prije, a najkasnije 12 sati prije otvaranja biračkih mjesta, dostavlja izborni materijal na biračko mjesto. Izborni materijal obuhvata:

a) izvod iz Centralnog biračkog spiska za određeno biračko mjesto; odgovarajući broj glasačkih listića; odgovarajući broj glasačkih kutija; komplet obrazaca za biračko mjesto; kandidatske liste, odnosno plakate s izgledom glasačkih listića na kojima se glasa u toj izbornoj jedinici; plakate s uputstvima o načinu glasanja i informativnim sadržajima za birače; Zapisnik o radu biračkog odbora (ZARBO), potrošni materijal prema specifikaciji iz Zapisnika neophodan za proces glasanja i brojanja glasačkih listića i štambilj za dodatnu zaštitu glasačkih listića

b) izvod iz Centralnog biračkog spiska za određeno biračko mjesto; odgovarajući broj glasačkih listića; odgovarajući broj glasačkih kutija; komplet obrazaca za biračko mjesto; kandidatske liste, odnosno plakate s izgledom glasačkih listića na kojima se glasa u toj izbornoj jedinici; plakate s uputstvima o načinu glasanja i informativnim sadržajima za birače i potrošni materijal prema specifikaciji iz Zapisnika neophodan za proces glasanja i brojanja glasačkih listića

c) izvod iz Centralnog biračkog spiska za određeno biračko mjesto; odgovarajući broj glasačkih listića; odgovarajući broj glasačkih kutija; komplet obrazaca za biračko mjesto; plakate s uputstvima o načinu glasanja i informativnim sadržajima za birače; Zapisnik o radu biračkog odbora (ZARBO) i potrošni materijal prema specifikaciji iz Zapisnika neophodan za proces glasanja i brojanja glasačkih listića.

Pitanje broj (5)

Dan prije održavanja izbora, najkasnije 12 sati prije otvaranja biračkog mjesta, izborna komisija na biračko mjesto dostavlja izborni materijal. Birački materijal se u noći prije otvaranja biračkog mjesta čuva:

a) kod predsjednika biračkog odbora

b) u zaključanim prostorijama na lokaciji biračkog mjesta,

b)u zaključanim prostorijama na lokaciji biračkog mjesta, uz policijsko osiguranje biračkog materijala

Pitanje broj (6)

Ukoliko birački odbor utvrdi da preuzeti izborni materijal nije kompletan, odmah o tome obavještava:

a) Centralnu izbornu komisiju BiH

b) izbornu komisiju osnovne izborne jedinice koja je obavezna da otkloni sve nedostatke u najkraćem roku

c) izbornu komisiju osnovne izborne jedinice koja je obavezna da u kontaktu sa Centralnom izbornom komisijom BiH otkloni sve nedostatke u najkraćem roku

II – PRIJE OTVARANJA BIRAČKOG MJESTA

Pitanje broj (7)

Po ulasku na biračko mjesto, sat vremena prije otvaranja biračkog mjesta, birački odbor obavlja sljedeće aktivnosti:

a) ispisuju sve neophodne podatke na kovertu, odnosno pakete; predsjednik upisuje u Obrazac za brojno stanje broj birača koji su upisani u izvod iz Centralnog biračkog spiska; ručno broje primljene glasačke listiće za svaki izborni nivo i predsjednik u Obrazac za brojno stanje upisuje ukupan broj primljenih glasačkih listića; pokazuju praznu glasačku kutiju, nakon čega na nju stavljaju plastične pečate; predsjednik u Obrazac za brojno stanje upisuje serijske brojeve pečata glasačke kutije; postavljaju zapečaćenu glasačku kutiju na mjesto gdje je svi prisutni mogu vidjeti; na vidnom mjestu objavljuju spisak članova biračkog odbora sa naznakom političkog subjekta koji ih je nominirao; predsjednik upisuje u Zapisnik vrijeme otvaranja biračkog mjesta; predsjednik provjerava posmatračev identifikacioni dokument s fotografijom, koji zadržava do momenta kada posmatrač napušta biračko mjesto, utvrđuje da li se ime posmatrača nalazi na akreditaciji i u Zapisnik upisuje ime posmatrača, naziv subjekta koji ga je akreditirao, broj njegove akreditacije, vrijeme kada je posmatrač stigao i vrijeme kada je posmatrač napustio biračko mjesto i predsjednik upućuje posmatrače na mjesto gdje mogu sjesti i posmatrati izborne aktivnosti

b) ispisuju sve neophodne podatke na kovertu, odnosno pakete; predsjednik upisuje u Obrazac za brojno stanje broj birača koji su upisani u izvod iz Centralnog biračkog spiska; pokazuju praznu glasačku kutiju, nakon čega na nju stavljaju plastične pečate; predsjednik u Obrazac za brojno stanje upisuje serijske brojeve pečata glasačke kutije; postavljaju zapečaćenu glasačku kutiju na mjesto gdje je svi prisutni mogu vidjeti; na vidnom mjestu objavljuju spisak članova biračkog odbora sa naznakom političkog subjekta koji ih je nominirao; predsjednik upisuje u Zapisnik vrijeme otvaranja biračkog mjesta; predsjednik provjerava posmatračev identifikacioni dokument s fotografijom, koji zadržava do momenta kada posmatrač napušta biračko mjesto, utvrđuje da li se ime posmatrača nalazi na akreditaciji i u Zapisnik upisuje ime posmatrača, naziv subjekta koji ga je akreditirao, broj njegove akreditacije, vrijeme kada je posmatrač stigao i vrijeme kada je posmatrač napustio biračko mjesto i predsjednik upućuje posmatrače na mjesto gdje mogu sjesti i posmatrati izborne aktivnosti, te ih upozorava da se ne mogu miješati u izborni proces niti gledati u glasačku kabinu, ali da mogu postavljati pitanja u vezi s izbornim procesom i stavljati mišljenja ili primjedbe na izborni proces u Zapisnik o radu ili ih predati u pisanoj formi, uz obavezan potpis

c) ispisuju sve neophodne podatke na kovertu, odnosno pakete; predsjednik upisuje u Obrazac za brojno stanje broj birača koji su upisani u izvod iz Centralnog biračkog spiska; ručno broje primljene glasačke listiće za svaki izborni nivo i predsjednik u Obrazac za brojno stanje upisuje ukupan broj primljenih glasačkih listića; pokazuju praznu glasačku kutiju, nakon čega na nju stavljaju plastične pečate; predsjednik u Obrazac za brojno stanje upisuje serijske brojeve pečata glasačke kutije; postavljaju zapečaćenu glasačku kutiju na mjesto gdje je svi prisutni mogu vidjeti; na vidnom mjestu objavljuju spisak članova biračkog odbora sa naznakom političkog subjekta koji ih je nominirao; predsjednik upisuje u Zapisnik vrijeme otvaranja biračkog mjesta; predsjednik provjerava posmatračev identifikacioni dokument s fotografijom, koji zadržava do momenta kada posmatrač napušta biračko mjesto, utvrđuje da li se ime posmatrača nalazi na akreditaciji i u Zapisnik upisuje ime posmatrača, naziv subjekta koji ga je akreditirao, broj njegove akreditacije, vrijeme kada je posmatrač stigao i vrijeme kada je posmatrač napustio biračko mjesto i predsjednik upućuje posmatrače na mjesto gdje mogu sjesti i posmatrati izborne aktivnosti, te ih upozorava da se ne mogu miješati u izborni proces niti gledati u glasačku kabinu, ali da mogu postavljati pitanja u vezi s izbornim procesom i stavljati mišljenja ili primjedbe na izborni proces u Zapisnik o radu ili ih predati u pisanoj formi, uz obavezan potpis

Pitanje broj (8)

Redovno biračko mjesto dobija broj glasačkih listića prema broju birača na izvodu iz Centralnog biračkog spiska za određeno biračko mjesto, koji se zaokružuje na sljedećih:

- a) 50
- b) 30
- c) 10

Pitanje broj (9)

Birački odbori na redovnom biračkom mjestu za opće izbore dobijaju glasačke listiće za:

- a) 4 nivoa vlasti
- b) 2 nivoa vlasti
- c) 4 nivoa vlasti, osim biračkih odbora u Brčko distriktu BiH koji dobijaju glasačke listiće u zavisnosti od entitetskog državljanstva

Pitanje broj (10)

Sat prije otvaranja biračkog mjesta, na biračkom mjestu sa predsjednikom i članovima biračkog odbora mogu se nalaziti:

- a) akreditirani posmatrači za posmatranje rada biračkog odbora
- b) zamjenici članova biračkog odbora
- c) članovi izborne komisije.

Pitanje broj (11)

Sve radnje na biračkom mjestu mogu posmatrati akreditirani:

- a) posmatrači političkih subjekata i međunarodni posmatrači
- b) posmatrači političkih subjekata i posmatrači udruženja
- c) posmatrači političkih subjekata, posmatrači udruženja i međunarodni posmatrači.

Pitanje broj (12)

U slučaju da birački odbor, prilikom ručnog brojanja primljenih glasačkih listića za svaki izborni nivo u vakuum pakiranjima glasačkih listića nađu materijal koji nije glasački listić, ili glasačke listiće na kojima nema odštampanih kandidata, ili glasački listić ne sadrži kandidatske liste za izbornu jedinicu, ili glasačke listiće koje nije propisala Centralna izborna komisija BiH, obavezan je da ih:

- a) odvoji i utvrdi njihov broj, kao i da utvrdi broj glasačkih listića koji su ispravni
- b) odvoji i utvrdi njihov broj, kao i da utvrdi broj glasačkih listića koji su ispravni i odmah po saznanju o nepravilnostima, obavještava izbornu komisiju

c) odvoji i utvrdi njihov broj, kao i da utvrdi broj glasačkih listića koji su ispravni i odmah po saznanju o nepravilnostima, obavještava izbornu komisiju, koja je dužna da po obavještenju biračkog odbora otići na biračko mjesto i utvrđenu nepravilnost zapisati u Zapisnik o radu biračkog odbora u dio "Prije otvaranja biračkog mjesta", te dostaviti pisani izvještaj o utvrđenoj nepravilnosti Centralnoj izbornoj komisiji BiH.

Pitanje broj (13)

Za svako biračko mjesto birački odbor dužan je voditi Zapisnik o radu biračkog odbora ZARBO. Zapisnik o radu biračkog odbora je sačinjen tako da svaka stranica ima svoju kopiju na kojoj se preslikavaju podaci upisani na stranici. Svaka stranica obavezno sadrži broj biračkog mjesta. Za biračke odbore u Brčko distriktu BiH sačinjen je Zapisnik o radu biračkog odbora koji ima:

- a) dvije originalne stranice, koje imaju svoje kopije
- b) tri originalne stranice, koje imaju i svoje kopije
- c) četiri originalne stranice, koje imaju i svoje kopije

III – OTVARANJE BIRAČKOG MJESTA

Pitanje broj (14)

U obrazac Z8 Zapisnika o radu biračkog odbora na dan izbora (ZARBO) upisuju se podaci:

- a) o eventualnom prekidu rada u brojanju glasačkih listića
- b) o udaljavanju lica sa biračkog mjesta
- c) o izbornom materijalu

Pitanje broj (15)

U Obrazac Z7 Zapisnika o radu biračkog odbora na dan izbora (ZARBO) upisuju se podaci:

- a) o prisustvu članova biračkog odbora i zaduženjima koja obavljaju na dan izbora
- b) o udaljavanju lica sa biračkog mjesta
- c) vrijeme zatvaranja biračkog mjesta.

Pitanje broj (16)

U Obrazac Z9 Zapisnika o radu biračkog odbora na dan izbora (ZARBO) upisuju se podaci:

- a) o prisutnim akreditiranim posmatračima na dan izbora
- b) o udaljavanju lica sa biračkog mjesta
- c) o broju potpisa

Pitanje broj (17)

Da bi birač ostvario svoje biračko pravo, potrebno je da:

- a) je ime birača upisano na izvodu iz Centralnog biračkog spiska (CBS)
- b) je ime birača upisano na izvodu iz Centralnog biračkog spiska (CBS) i da predoči jedan od tri važeća identifikaciona dokumenta (lična karta, pasoš ili vozačka dozvola) koje je izdala Bosna i Hercegovina
- c) predoči jedan od tri važeća identifikaciona dokumenta (lična karta, pasoš ili vozačka dozvola) koje je izdala Bosna i Hercegovina.

Pitanje broj (18)

Biračko mjesto je otvoreno u vremenu:

- a) od 08.00 do 20.00 sati
- b) od 07.00 do 19.00 sati
- c) od 07.00 do 20.00 sati

IV – IZBORNI DAN – GLASANJE

Pitanje broj (19)

Petočlani birački odbor ima predsjednika i četiri člana, koji su raspoređeni prema redoslijedu radnji koje se obavljaju na biračkom mjestu:

- a) kontrola reda, identifikacija birača, izdavanja glasačkih listića i kontrola glasačke kutije
- b) kontrola glasačke kutije, identifikacija birača, izdavanja glasačkih listića i kontrola reda
- c) identifikacija birača, kontrola glasačke kutije, izdavanja glasačkih listića i kontrola reda.

Pitanje broj (20)

Kada birač bude identificiran i potpiše se u izvod iz Centralnog biračkog spiska, član biračkog odbora zadužen za izdavanje glasačkih listića, na svaki glasački listić, na prednjoj stranici ispod teksta “Uputstvo za glasanje“:

- a) u donjem lijevom uglu stavlja otisak štambilja biračkog mjesta potpisuje se pored štambilja, zatim mu izdaje glasačke listiće i odmah ga upućuje prema jednoj od slobodnih glasačkih kabina kako bi popunio glasačke listiće
- b) u donjem desnom uglu stavlja otisak štambilja biračkog mjesta potpisuje se pored štambilja, zatim mu izdaje glasačke listiće i odmah ga upućuje prema jednoj od slobodnih glasačkih kabina kako bi popunio glasačke listiće
- c) stavlja otisak štambilja biračkog mjesta na bilo kojem mjestu na glasačkom listiću, potpisuje se pored štambilja, zatim mu izdaje glasačke listiće i odmah ga upućuje prema jednoj od slobodnih glasačkih kabina kako bi popunio glasačke listiće

Pitanje broj (21)

Na biračkom mjestu za glasanje u odsustvu glasaju birači koji:

- a) su napunili 18 godina na dan održavanja izbora
- b) imaju status raseljenog lica
- c) imaju status izbjeglice.

Pitanje broj (22) NOVO

Biraču koji je sticanjem punoljetstva prvi put upisan u Centralni birački spisak od dana zaključenja Centralnog biračkog spiska do dana izbora, a koji biračkom odboru preda potvrdu izdatu od Centra za birački spisak kojom potvrđuje da se njegovo ime ne nalazi upisano ni na jednom izvodu iz Centralnog biračkog spiska, birački odbor će omogućiti glasanje:

- a) nepotvrđenim-kovertiranim glasačkim listićima
- b) u odsutnosti
- c) lično

Pitanje broj (23)

U Zapisniku o radu biračkog odbora (ZARBO) vodi se specifikacija nevažećih glasačkih listića, samo u slučaju da birački odbor prilikom brojanja glasačkih listića nađe glasačke listiće bez sigurnosnih elemenata. glasački listići koji nemaju vodeni žig, otisak štambilja, koji su kopirani ili skenirani. Birački odbor je dužan obavezno uposati broj nivoa vlasti u kom su se našli takvi nevažeći glasački listići u obrazac:

- a) Z4
- b) Z8
- c) Z10

Pitanje broj (24)

Birač koji se nalazi na spisku koji je dostavila Centralna izborna komisija BiH o državljanima BiH koji su upisani na izvod iz Centralnog biračkog spiska (CBS) za glasanje izvan zemlje, a vratio se u BiH, omogućeno je da glasaju na biračkom mjestu:

- a) za glasanje u odsutnosti
- b) za izdavanje nepotvrđenih glasačkih listića
- c) redovnom biračkom mjestu.

Pitanje broj (25)

Predsjednik biračkog odbora vodi evidenciju o situacijama u kojima se koristi pomoć drugog lica na PDL obrascu.

- a) tačno
- b) netačno

Pitanje broj (26)

Da bi posmatrao aktivnosti biračkog odbora, akreditirani posmatrač mora:

- a) imati sa sobom ličnu kartu i akreditaciju (bedž) vidno okačenu na sebi
- b) biti akreditiran za posmatranje rada biračkog odbora, imati važeći identifikacioni dokument i akreditaciju (bedž) vidno okačen na sebi
- c) imati ličnu kartu izdatu u općini u kojoj posmatra rad biračkog odbora.

Pitanje broj (27)

U slučaju da birač pokuša u glasačku kutiju ubaciti glasački listić koji se po boji ili na drugi način razlikuje od originalnih glasačkih listića koji se izdaju na biračkim mjestima, član biračkog odbora zadužen za kontrolu glasačke kutije obavijestit će o tome predsjednika biračkog odbora, koji će prekinuti proces glasanja i uz intervenciju policije taj glasački listić oduzeti biraču. Predsjednik biračkog odbora će u Zapisnik o radu biračkog odbora evidentirati ovaj slučaj, zapisujući i podatke s identifikacionog dokumenta birača. O navedenim slučajevima predsjednik biračkog odbora odmah obavještava:

- a) policiju
- b) izbornu komisiju
- c) Centralnu izbornu komisiju

Pitanje broj (28)

Prilikom glasanja birač koji je slijep, nepismen ili fizički nesposoban ima pravo koristiti pomoć drugog lica kojeg on izabere i uz odobrenje predsjednika biračkog odbora. Član biračkog odbora zadužen za identifikaciju u dio predviđen za potpis upisuje:

- a) broj identifikacionog dokumenta birača koji glasa, a slijep je, nepismen ili fizički nesposoban i birača koji mu pomaže, pored njegovog potpisa.
- b) broj identifikacionog dokumenta birača koji glasa, a slijep je, nepismen ili fizički nesposoban
- c) broj identifikacionog dokumenta birača koji mu pomaže, pored njegovog potpisa.

Pitanje broj (29)

Birač koji promijeni prebivalište iz jedne općine (osnovne izborne jedinice) A u drugu općinu (osnovnu izbornu jedinicu) B u periodu od zaključenja konačnog Centralnog biračkog spiska (CBS) do dana održavanja izbora, biračko pravo će ostvariti u općini:

- a) A
- b) B
- c) u bilo kojoj općini A ili B.

Pitanje broj (30)

Na biračkom mjestu za glasanje u odsustvu biraču se izdaje:

- a) koverta sa kombinacijom glasačkih listića općine za koju birač ima pravo glasa, a što je evidentirano u izvodu iz Centralnog biračkog spiska (CBS)
- b) pojedinačno četiri glasačka listića trenutne općine prebivališta/boravišta
- c) koverta sa glasačkim listićima trenutne općine prebivališta/boravišta.

Pitanje broj (31)

Član biračkog odbora zadužen za identifikaciju:

- a) identifikuje birača na osnovi važećeg identifikacionog dokumenta
- b) identifikuje birača na osnovi važećeg identifikacionog dokumenta i izdaje biraču glasačke listiće za svaki nivo
- c) provjerava identitet birača; pronalazi biračevo ime u izvodu iz Centralnog biračkog spiska; upozorava birača da se mora potpisati identično kao na identifikacionom dokumentu i osigurava da se birač potpiše pored svog imena u izvodu iz Centralnog biračkog spiska u odgovarajućem šablonu. Potpis u Izvodu iz Centralnog biračkog spiska mora odgovarati potpisu u dokumentu kojim je izvršena identifikacija.

Pitanje broj (32)

Predsjednik biračkog odbora je obavezan obavijestiti izbornu komisiju o potrebi njegovog odsustva ili odsustva članova biračkog odbora sa biračkog mjesta, kako bi izborna komisija mogla angažirati njihove zamjenike da dođu na biračko mjesto i preuzmu njihove funkcije. Predsjednik biračkog odbora je obavezan da sve promjene osoblja na biračkom mjestu evidentira u:

- a) dio Z3 Zapisnika o radu biračkog odbora
- b) izvještaju za izbornu komisiju
- c) dio Z6 Zapisnika o radu biračkog odbora

Pitanje broj (33)

Prilikom izdavanja glasačkih listića predsjednik mobilnog tima stavlja otisak štambilja mobilnog tima na svaki glasački listić, na prednjoj stranici ispod teksta “Uputstvo za glasanje“ uputstva u donjem lijevom uglu, zatim se potpisuje pored štambilja te glasačke listiće i zaštitnu kuvertu daje biraču.

- a) tačno
- b) netačno.

Pitanje broj (34)

Mobilni tim obilazi birače vezane za domove, hospitalizirana lica ili birače koji će glasati u zatvorima i pritvorskim jedinicama:

- a) prema redoslijedu imena upisanih na izvodu iz Centralnog biračkog spiska (CBS)
- b) prema planu obilaska tih birača koji je izradila izborna komisija
- c) redoslijedom koji birački odbor odabere.

Pitanje broj (35)

Da bi posmatrač mogao posmatrati rad mobilnog tima i upisivati primjedbe u Zapisnik o radu biračkog odbora za mobilni tim, potrebno je:

- a) da u sjedištu izborne komisije, prije otvaranja biračkih mjesta ili na lokaciji na kojoj zatekne mobilni tim (na osnovi plana kretanja mobilnog tima koji dobije od izborne komisije), dođe do predsjednika biračkog odbora, pokaže akreditaciju i preda svoj važeći identifikacioni dokument, koji ostaje kod predsjednika mobilnog tima dok posmatra rad mobilnog tima
- b) dovoljno je da prati mobilni tim na njihovom putu
- c) prijavi se izornoj komisiji da će nadgledati rad mobilnog tima.

Pitanje broj (36)

Ukoliko birač ne ubaci sve glasačke listiće koji su mu izdati na biračkom mjestu, član biračkog odbora zadužen na kontrolu glasačke kutije upozorit će ga da je obavezan to uraditi. Ako birač ne postupi u skladu sa upozorenjem, predsjednik biračkog odbora će:

- a) u Zapisnik o radu biračkog odbora evidentirati ovaj slučaj zapisujući i podatke sa identifikacionog dokumenta birača
- b) obavijestiti izbornu komisiju
- c) obavijestiti Centralnu izbornu komisiju BiH.

Pitanje broj (37)

Ako birač koji glasa u odsustvu ošteti jedan od četiri glasačka listića, biračkom odboru vraća:

- a) oštećeni glasački listić i od člana biračkog odbora zaduženog za izdavanje glasačkih listića dobija drugi listić za isti izborni nivo
- b) kovertu sa sva četiri glasačka listića i od člana biračkog odbora zaduženog za izdavanje glasačkih listića dobija novu kovertu sa četiri nova glasačka listića.

Pitanje broj (38)

Ako birač koji glasa na redovnom biračkom mjestu ošteti jedan od četiri glasačka listića koja je dobio, biračkom odboru vraća:

- a) oštećeni glasački listić i od člana biračkog odbora zaduženog za izdavanje glasačkih listića dobija novi listić za isti izborni nivo, dok zadržava preostala tri glasačka listića koja nije ošteti
- b) vraća sva četiri glasačka listića i od člana biračkog odbora zaduženog za izdavanje glasačkih listića dobija četiri nova glasačka listića.

Pitanje broj (39)

Predsjednik biračkog odbora vodi evidenciju akreditiranih posmatrača pristunih na biračkom mjestu u:

- a) obrascu Z3 Zapisnik o radu biračkog odbora
- b) obrascu Z4 Zapisnik o radu biračkog odbora
- c) obrascu Z7 Zapisnik o radu biračkog odbora.

Pitanje broj (40)

Predsjednika i članove biračkog odbora koji svojim aktivnostima naruše kontinuitet glasanja, odnosno postupaju suprotno pravilima u toku glasanja ili brojanja glasačkih listića, može sa biračkog mjesta udaljiti:

- a) policija
- b) općinska/gradska izborna komisija
- c) Centralna izborna komisija BiH.

ZATVARANJE BIRAČKOG MJESTA

Pitanje broj (41)

Predsjednik biračkog odbora u 18.45 sati (petnaest minuta prije zatvaranja biračkog mjesta) će:

- a) zahtijevati od biračkog odbora da ubrza svoje aktivnosti, jer će biračko mjesto biti zatvoreno u 19.00 sati
- b) obavijestiti sve u i izvan biračkog mjesta da će biračko mjesto biti zatvoreno u 19.00 sati.

Pitanje broj (42)

Zbog problema na biračkom mjestu sa jednim biračem, predsjednik biračkog odbora je zatvorio biračko mjesto na pola sata. Birački odbor će svoj rad nakon 19.00 sati produžiti za:

- a) pola sata
- b) vrijeme dok posljednji birač ne napusti biračko mjesto.

Pitanje broj (43)

Nakon što posljednji birač napusti biračko mjesto u 19.00 sati, predsjednik biračkog odbora će:

- a) zatvoriti biračko mjesto i evidentirati prisutne posmatrače u Zapisnik o radu biračkog odbora u Obrazac Z8
- b) zatvoriti biračko mjesto, upisati u Zapisnik o radu biračkog odbora u Obrazac Z8 da je biračko mjesto zatvoreno u 19.00 sati i evidentirati prisutne posmatrače
- c) zatvoriti biračko mjesto, zalijepiti otvor glasačke kutije ljepljivom trakom, upisati u Zapisnik o radu biračkog odbora u Obrazac Z8 da je biračko mjesto zatvoreno u 19.00 sati i evidentirati prisutne posmatrače.

Pitanje broj (44)

Nakon završenog procesa glasanja mobilni tim predaje izborni materijal:

- a) najbližem biračkom odboru na redovnom biračkom mjestu
- b) najbližem biračkom odboru na biračkom mjestu za glasanje u odsutnosti ili biračkom odboru za biračkom mjestu za glasanje nepotvrđenim glasačkim listićima
- c) u sjedištu općinske/gradske izborne komisije.

BROJANJE GLASAČKIH LISTIĆA, UTVRĐIVANJE REZULTATA NA BIRAČKOM MJESTU I PAKIRANJE

Pitanje broj (45) NOVO

Radnje prilikom brojanja na biračkom mjestu obavljaju se sljedećim redoslijedom:

- 1. utvrđivanje glasačkih listića u glasačkoj kutiji;**
- 2. brojanje glasačkih listića u glasačkoj kutiji;**
- 3. brojanje glasova (sistem većinskog glasa);**
- 4. brojanje glasova dobijenih sistemom otvorenih listi – glasovi za političke subjekte;**
- 5. brojanje glasova dobijenih sistemom otvorenih listi – glasovi za kandidate unutar političkih subjekata.**

- a) tačno
- b) netačno

Pitanje broj (46)

Kad predsjednik biračkog odbora otvori glasačku kutiju, istrese njen sadržaj na radnu površinu i svima pokaže da je glasačka kutija prazna, birački odbor obavlja sljedeće aktivnosti:

- a) razvrstava glasačke listiće prema boji u 4 grupe, predsjednik biračkog odbora 3 grupe glasačkih listića stavlja u tri različite providne manje plastične vreće, a na stolu ostavlja grupu glasačkih listića plave boje
- b) razvrstava glasačke listiće prema boji u 4 grupe, predsjednik biračkog odbora 3 grupe glasačkih listića stavlja u tri različite providne manje plastične vreće, a na stolu ostavlja grupu glasačkih listića sive boje
- c) razvrstava glasačke listiće prema boji u 4 grupe, predsjednik biračkog odbora 3 grupe glasačkih listića stavlja u tri različite providne manje plastične vreće, a na stolu ostavlja grupu glasačkih listića bordo crvene boje u FBiH, odnosno smeđe boje u RS.

Pitanje broj (47)

Glasački listići se štampaju u različitim bojama, u zavisnosti od izbornog nivoa i to za izborne nivoe u Federaciji BiH:

- a) Predsjedništvo BiH – glasački listić je **SIVE** boje, Predstavnički dom Parlamentarne skupštine BiH – glasački listić je **PLAVE** boje, Predstavnički dom Parlamenta Federacije BiH – glasački listić je **LJUBIČASTE** boje i Kantonalne skupštine – glasački listić je **BORDOCRVENE** boje
- b) Predsjedništvo BiH – glasački listić je **PLAVE** boje, Predstavnički dom Parlamentarne skupštine BiH – glasački listić je **SIVE** boje, Predstavnički dom Parlamenta Federacije BiH – glasački listić je **LJUBIČASTE** boje i Kantonalne skupštine – glasački listić je **BORDOCRVENE** boje
- c) Predsjedništvo BiH – glasački listić je **SIVE** boje, Predstavnički dom Parlamentarne skupštine BiH – glasački listić je **LJUBIČASTE** boje, Predstavnički dom Parlamenta Federacije BiH – glasački listić je **PLAVE** boje i Kantonalne skupštine – glasački listić je **BORDOCRVENE** boje.

Pitanje broj (48)

Glasački listići se štampaju u različitim bojama, u zavisnosti od izbornog nivoa i to za izborne nivoe u Republici Srpskoj:

- a) Predsjedništvo BiH – glasački listić je PLAVE boje, Predstavnički dom Parlamentarne skupštine BiH – glasački listić je SIVE boje, Predsjednik i potpredsjednici Republike Srpske – glasački listić je ŽUTE boje i Narodna skupština Republike Srpske – glasački listić je SMEĐE boje
- b) Predsjedništvo BiH – glasački listić je SIVE boje, Predstavnički dom Parlamentarne skupštine BiH – glasački listić je PLAVE boje, Predsjednik i potpredsjednici Republike Srpske – glasački listić je ŽUTE boje i Narodna skupština Republike Srpske – glasački listić je SMEĐE boje
- c) Predsjedništvo BiH – glasački listić je SIVE boje, Predstavnički dom Parlamentarne skupštine BiH – glasački listić je PLAVE boje, Predsjednik i potpredsjednici Republike Srpske – glasački listić je SMEĐE boje i Narodna skupština Republike Srpske – glasački listić je ŽUTE boje.

Pitanje broj (49)

Po sistemu VEĆINSKOG GLASA birači glasaju za:

- a) Predsjedništvo BiH i Predsjednika i potpredsjednike RS
- b) Predstavnički dom Parlamentarne skupštine BiH
- c) Predsjedništvo BiH i Predstavnički dom Parlamenta Federacije BiH.

Pitanje broj (50)

Po sistemu PROPORCIONALNA ZASTUPLJENOST birači glasaju za:

- a) Predsjedništvo BiH
- b) Predstavnički dom Parlamenta Federacije BiH
- c) Predsjednika i potpredsjednike Republike Srpske.

Pitanje broj (51)

Glasački listići koji se ne broje u utvrđenoj fazi redoslijeda brojanja, pakiraju se u odgovarajuće plastične vreće posebno za svaki izborni nivou i odlažu na način da ih svi prisutni mogu vidjeti:

- a) plave vreće
- b) crvene vreće
- c) providne vreće.

Pitanje broj (52)

Brojanje glasačkih listića vrši se uz prisustvo predsjednika i svih članova biračkog odbora, ili zamjenika predsjednika ili zamjenika člana biračkog odbora na biračkom mjestu gdje predsjednik ili član biračkog odbora iz opravdanih razloga ne može prisustvovati brojanju glasačkih listića.

- a) tačno
- b) netačno

Pitanje broj (53)

Tokom brojanja glasačkih listića posmatrači:

- a) se mogu mijenjati, s tim da samo oni koji su se zatekli na biračkom mjestu u 19.00 sati, prilikom zatvaranja biračkog mjesta, mogu biti promijenjeni
- b) se ne mogu mijenjati i oni su se zatekli zatekli u 19.00 sati, prilikom zatvaranja biračkog mjesta, mogu posmatrati aktivnosti biračkog odbora do kraja i mogu napustiti biračko mjesto kad god požele
- c) mogu ući na biračko mjesto posmatrači političkog subjekta koji u vrijeme zatvaranja biračkog mjesta nije imao svog posmatrača.

Pitanje broj (54)

Birački odbor u FBiH broji glasačke listiće kako slijedi:

- a) Predsjedništvo BiH, Parlament FBiH, Parlamentarna skupština BiH, kantonalna skupština
- b) Predsjedništvo BiH, Parlamentarna skupština BiH, Parlament FBiH, kantonalna skupština
- c) Kantonalna skupština, Parlament FBiH, Parlamentarna skupština BiH, Predsjedništvo BiH.

Pitanje broj (55)

Birački odbor u RS broji glasačke listiće kako slijedi:

- a) Predsjedništvo BiH, Parlamentarna skupština BiH, Predsjednik i potpredsjednici RS, Narodna skupština RS
- b) Predsjedništvo BiH, Predsjednik i potpredsjednici RS, Parlamentarna skupština BiH, Narodna skupština RS
- c) Predsjednik i potpredsjednici RS, Narodna skupština RS, Predsjedništvo BiH, Parlamentarna skupština BiH.

Pitanje broj (56)

Po završetku razdvajanja glasačkih listića po nivoima na biračkom mjestu u Federaciji BiH prvo se broje glasački listići za:

- a) Predsjedništvo BiH
- b) Parlamentarna skupština BiH
- c) Parlament FBiH.

Pitanje broj (57)

Po završetku razdvajanja glasačkih listića po nivoima na biračkom mjestu u Republici Srpskoj prvo se broje glasački listići za:

- a) Predsjedništvo BiH
- b) Parlamentarna skupština BiH
- c) Narodnu skupštinu RS.

Pitanje broj (58)

Ukoliko prilikom razdvajanja glasačkih listića birački odbor utvrdi da je glasački listić bez važećeg zaštitnog znaka (vodeni žig), proglašava ga:

- a) nevažećim
- b) oštećenim.

Pitanje broj (59)

Ukoliko prilikom razdvajanja glasačkih listića birački odbor utvrdi da su glasački listići bez štambilja i potpisa člana biračkog odbora, proglašava ih nevažećim i broj tih listića obavezno upisuju u Zapisnik o radu biračkog odbora:

- a) tačno
- b) netačno

Pitanje broj (60)

Prilikom razvrstavanja glasačkih listića jednog nivoa članovi biračkog odbora su pronašli glasački listić koji je fizički oštećen, pocijepan do te mjere da se ne može utvrditi za koji politički subjekt je birač dao svoj glas, predsjednik biračkog odbora ga svrstava:

- a) u kategoriju nevažećih ostalih glasačkih listića
- b) kategoriju oštećenih glasačkih listića
- c) kategoriju nepoznatih glasačkih listića i prilaže listić uz Zapisnik o radu biračkog odbora.

Pitanje broj (61)

Prilikom razvrstavanja glasačkih listića jednog nivoa birački odbor je pronašao glasački listić na čijoj poledini piše "POŠTA". Predsjednik biračkog odbora će:

- a) provjeriti za koji politički subjekt je dat glas i staviti u grupu glasačkih listića tog političkog subjekta
- b) proglasiti glasački listići nevažećim ostalim
- c) proglasiti glasački listići nevažećim ostalim i obavezno upisati primjedbu u Zapisniku o radu biračkog odbora i navesti da je birački odbor u glasačkoj kutiji pronašao takav glasački listić.

Pitanje broj (62)

Prilikom razvrstavanja glasačkih listića za jedan nivo birački odbor je pronašao glasački listić koji je pocijepan napola. Na jednom dijelu glasačkog listića je birač markirao jednu političku stranku. Birački odbor će glasački listić tretirati kao:

- a) nevažeći ostali glasački listić
- b) važeći i glas za datu političku stranku
- c) oštećeni glasački listić.

Pitanje broj (63)

Ukoliko je na glasačkom listiću za Predsjedništvo BiH (izborna jedinica Federacija BiH) birač glasao za jednog kandidata sa liste kandidata iz reda bošnjačkog naroda i jednog kandidata sa liste kandidata iz reda hrvatskog naroda, glasački listić je:

- a) važeći
- b) nevažeći.

Pitanje broj (64)

Ukoliko je birač na glasačkom listiću – PROPORCIONALNA ZASTUPLJENOST označio kvadratić ispred naziva jedne političke stranke i jednog nezavisnog kandidata, glasački listić je:

- a) važeći
- b) nevažeći.

Pitanje broj (65)

Ukoliko je birač na glasačkom listiću – PROPORCIONALNA ZASTUPLJENOST označio jednog ili više kandidata unutar liste jedne političke stranke i jednog ili više kandidata unutar liste jedne koalicije, glasački listić je:

- a) važeći

b) nevažeći.

Pitanje broj (66)

Glasački listić koji na kojem su označena dva kandidata i to jedan iz jedne političke stranke i jedan iz koalicije je:

- a) nevažeći neoznačeni listić
- b) nevažeći ostali listić
- c) važeći glasački listić.

Pitanje broj (67)

Na jednom od glasačkih listića za Predstavnički dom Parlamentarne skupštine BiH birač je stavio oznaku X u kvadratić ispred kandidata pod rednim brojem 4 jedne političke stranke. Taj glasački listić je:

- a) nevažeći, jer je birač trebao markirati i naziv političke stranke
- b) važeći i bit će računat samo glas za kandidata
- c) važeći i bit će računat glas za političku stranku i glas za kandidata.

Pitanje broj (68)

Ukoliko birački odbor ima predsjednika i dva člana, procedura drugog brojanja (brojanje glasova po kandidatima političkih subjekata) vrši se na način da:

- a) jedan član biračkog odbora je čitač, a jedan član biračkog odbora je evidentičar
- b) predsjednik biračkog odbora je čitač, jedan član biračkog odbora je kontrolor čitača, a drugi član biračkog odbora je evidentičar
- c) predsjednik biračkog odbora je čitač, a dva člana su evidentičari.

Pitanje broj (69)

Ukoliko birački odbor ima predsjednika i četiri člana, proceduru drugog brojanja (brojanje glasova po kandidatima političkih subjekata) vrši:

- a) tim od 2 člana biračkog odbora
- b) tim od 4 člana biračkog odbora
- c) tim koji čine predsjednik i 4 člana biračkog odbora.

Pitanje broj (70)

Drugi krug brojanja (brojanje glasova po kandidatima političkih subjekata) predstavlja:

- a) brojanje glasova za kandidate za nivoe većinskog glasa
- b) ponovno brojanje glasova za kandidate političkih subjekata zbog nepravilnog prvog brojanja

c) brojanje glasova za kandidate u okviru političkih subjekata uz korištenje Pomoćnog obrasca za brojanja glasova po kandidatima.

Pitanje broj (71)

Prilikom brojanja glasačkih listića – PROPORCIONALNA ZASTUPLJENOST ukupan broj glasova za svakog kandidata utvrđuje se korištenjem sljedećeg obrasca:

- a) Pomoćnog obrasca
- b) ZR – većinski glas
- c) ZR – proporcionalna zastupljenost.

Pitanje broj (72)

Ukoliko je birački odbor pravilno obavio sve aktivnosti na biračkom mjestu, prije otvaranja glasačke kutije u Obrascu brojnog stanja BS, test tačnosti je 0 (red 10 Obrasca) kada je:

- a) zbir – broj potpisa birača na izvodu iz Centralnog biračkog spiska (CBS), broj neiskorištenih i broj oštećenih glasačkih listića jednak ukupnom broju imena koja se nalaze na izvodu iz Centralnog biračkog spiska (CBS)
- b) zbir – broj potpisa birača na izvodu iz Centralnog biračkog spiska (CBS), broj neiskorištenih i broj oštećenih glasačkih listića jednak broju zaduženih glasačkih listića
- c) ukupan broj potpisa birača na izvodu iz Centralnog biračkog spiska (CBS) jednak ukupnom broju glasačkih listića u glasačkoj kutiji.

Pitanje broj (73)

Ukupan broj glasačkih listića – VEĆINSKI GLAS u glasačkoj kutiji je zbir važećih glasova kandidata i zbir nevažećih (neoznačenih) glasačkih listića za dato biračko mjesto.

- a) tačno
- b) netačno

Pitanje broj (74)

Ukupan broj glasačkih listića – VEĆINSKI GLAS u glasačkoj kutiji je zbir važećih glasova kandidata i zbir nevažećih (neoznačenih i ostalih) glasačkih listića za dato biračko mjesto.

- a) tačno
- b) netačno

Pitanje broj (75)

Zbir važećih glasova svih kandidata – VEĆINSKI GLAS mora odgovarati broju potpisa birača na izvodu iz Centralnog biračkog spiska za dato biračko mjesto.

- a) tačno
- b) netačno

Pitanje broj (76)

Prilikom brojanja glasačkih listića po političkim subjektima – PROPORCIONALNA ZASTUPLJENOST utvrđeno je da je jedna politička stranka dobila 250 glasova. Svaki kandidat unutar liste navedene političke stranke, koja se sastoji od 10 kandidata, može imati najviše:

- a) 25
- b) 249
- c) 250.

Pitanje broj (77)

Za političke subjekte koji nisu dobili glasove predsjednik u rubrike za glasove kandidata tih političkih subjekata upisuje:

- a) 0000
- b) XXXX
- c) ostavlja prazne rubrike za glasove.

Pitanje broj (78)

Predsjednik biračkog odbora Obrazac brojnog stanja i sve obrasce ZR (većinski glas i proporcionalna zastupljenost) popunjava isključivo:

- a) crvenom olovkom
- b) plavom olovkom
- c) crnom olovkom.

Pitanje broj (79)

Predsjednik biračkog odbora u obrascu ZR – većinski glas popunjava podatke sljedećim redoslijedom:

- a) upisuje broj biračkog mjesta u zaglavlju obrasca, broj potpisa sa Obrasca brojnog stanja BS, ukupan broj glasačkih listića u glasačkoj kutiji, broj nevažećih neoznačenih, broj nevažećih ostalih, ukupan broj nevažećih glasačkih listića, broj glasova za svakog kandidata, zbir glasova svih kandidata (red ukupno na

obrascu), broj važećih glasačkih listića, ukupan broj glasačkih listića, test tačnosti, broj plastičnog pečata sive vreće i potpisi svih članova biračkog odbora

b) upisuje ukupan broj glasačkih listića u glasačkoj kutiji, broj potpisa sa Obrasca brojnog stanja BS, broj glasova za svakog kandidata, zbir glasova svih kandidata (red ukupno na obrascu), broj važećih glasačkih listića, broj biračkog mjesta u zaglavlju obrasca, broj nevažećih neoznačenih, broj nevažećih ostalih, ukupan broj nevažećih glasačkih listića, ukupan broj glasačkih listića, test tačnosti, broj plastičnog pečata sive vreće i potpisi svih članova biračkog odbora

c) upisuje broj biračkog mjesta u zaglavlju obrasca, broj potpisa sa Obrasca brojnog stanja BS, ukupan broj glasačkih listića u glasačkoj kutiji, broj plastičnog pečata sive vreće i potpisi svih članova biračkog odbora, broj glasova za svakog kandidata, zbir glasova svih kandidata (red UKUPNO na obrascu), broj nevažećih neoznačenih, broj nevažećih ostalih, ukupan broj nevažećih glasačkih listića, broj važećih glasačkih listića, ukupan broj glasačkih listića, test tačnosti.

Pitanje broj (80)

Na obrascu ZR – većinski glas nalaze se dva testa tačnosti (TEST 1 i TEST 2) u koji se upisuju rezultati podudaranja sljedećih podataka:

a) broj potpisa birača na izvodu iz Centralnog biračkog spiska (CBS), broj važećih glasačkih listića, broj važećih glasačkih listića – zbir glasova za sve kandidate

b) broj glasačkih listića u glasačkoj kutiji i broj važećih glasačkih listića, broj potpisa birača na izvodu iz Centralnog biračkog spiska (CBS) i zbir važećih i nevažećih glasačkih listića

c) broj potpisa birača na izvodu iz Centralnog biračkog spiska (CBS), broj glasačkih listića u glasačkoj kutiji i zbir važećih i nevažećih glasačkih listića.

Pitanje broj (81)

Predsjednik biračkog odbora potpisuje Obrazac ZR – proporcionalna zastupljenost:

a) samo na prvoj bijeloj originalnoj stranici

b) na prvoj i posljednjoj bijeloj originalnoj stranici

c) na svim bijelim originalnim stranicama.

Pitanje broj (82)

Zapisnik o radu biračkog odbora i odgovarajuće obrasce potpisuju svi članovi biračkog odbora (ili njihovi zamjenici ako su angažirani u trenutku potpisivanja tih zapisnika).

a) tačno

b) netačno

Pitanje broj (83)

Posmatrač traži od predsjednika biračkog odbora kopiju popunjenog obrasca ZR – većinski glas. Predsjednik biračkog odbora će:

- a) posmatrača uputiti da može popuniti obrazac ZR – većinski glas za posmatrače sa žute kopije navedenog obrasca, koja se nalazi istaknuta na biračkom mjestu
- b) nazvati izbornu komisiju, obavijestiti je o zahtjevu posmatrača i tražiti da izborna komisija kopira obrazac i dostavi posmatraču.

Pitanje broj (84)

Neiskorišteni glasački listići pakiraju se u originalne kutije, a onda stavljaju u:

- a) providnu vreću
- b) plavu vreću
- c) ljubičastu vreću.

Pitanje broj (85)

Oštećeni glasački listići pakiraju se u u kovertu, a onda stavljaju u:

- a) providnu vreću
- b) sivu vreću
- c) narandžastu vreću.

Pitanje broj (86)

Prebrojane važeće i nevažeće glasačke listiće za člana Predsjedništva BiH, zajedno sa plavom kopijom obrasca ZR – većinski glas, birački odbor pakira u:

- a) providnu plastičnu veću vreću
- b) plavu vreću
- c) sivu vreću.

Pitanje broj (87)

Na biračkom mjestu za glasanje nepotvrđenim glasačkim listićima neiskorištene i oštećene koverta sa glasačkim listićima birački odbor pakira u:

- a) zelenu vreću
- b) providnu plastičnu veću vreću
- c) providnu plastičnu manju vreću.

Pitanje broj (88)

Birački odbor za glasanje u odsustvu prebrojane i kombinacijama uvezane koverta, zajedno sa plavom kopijom Obrasca brojnog stanja BSO pakira u:

- a) providnu plastičnu veću vreću
- b) providnu plastičnu manju vreću
- c) crvenu vreću.

Pitanje broj (89)

Crvenu kopiju obrasca ZR – većinski glas predsjednik biračkog odbora:

- a) stavlja u sivu vreću sa prebrojanim važećim i nevažećim glasačkim listićima
- b) stavlja u kovertu za predsjednika biračkog odbora
- c) stavlja u kovertu za predsjednika izborne komisije.

Pitanje broj (90)

Plave kopije obrasca ZR – proporcionalna zastupljenost za nivo Predstavnički dom Parlamentarne skupštine BiH predsjednik biračkog odbora stavlja u:

- a) plavu vreću sa prebrojanima važećim i nevažećim glasačkim listićima
- b) kovertu za predsjednika izborne komisije
- c) providnu plastičnu veću vreću sa neiskorištenim i oštećenim glasačkim listićima.

Pitanje broj (91)

Originalni obrazac brojnog BS stanja u koricama birački odbor stavlja u:

- a) providnu plastičnu manju vreću sa Zapisnikom o radu biračkog odbora i izvodom iz Centralnog biračkog spiska (CBS)
- b) providnu plastičnu manju vreću sa Zapisnikom o radu biračkog odbora i izvodom iz Centralnog biračkog spiska (CBS) i pomoćnim obrascima za drugi krug brojanja glasova po kandidatima
- c) kovertu A3 za Centralnu izbornu komisiju BiH.

Pitanje broj (92)

Predsjednik biračkog mjesta je obavezan predati izornoj komisiji zapakiran izborni materijal:

- a) odmah po završetku svih aktivnosti, a najkasnije 12 sati poslije zatvaranja biračkog mjesta
- b) najkasnije 10 sati poslije zatvaranja biračkog mjesta
- c) najkasnije 14 sati poslije zatvaranja biračkog mjesta.

Pitanje broj (93)

Birački odbor dostavlja izbornoj komisiji vreće sa izbornim materijalom:

- a) otvorene kako bi izborna komisija mogla provjeriti da li izborni materijal u vrećama kompletan
- b) zatvorene ljepljivom trakom kako bi izborna komisija mogla po ukazanoj potrebi provjeriti izborni materijal u vrećama
- c) zapečaćene plastičnim pečatom koji na sebi ima serijski broj sastavljan od slova BA i 6 cifara.

Pitanje broj (94)

Pored zapakiranog izbornog materijala predsjednik biračkog odbora izbornoj komisiji je dužan predati:

- a) glasačku kutiju
- b) neosjetljivi neiskorišteni izborni materijal
- c) paravane koje su korišteni za glasačke kabine.

Pitanje broj (95)

Po dolasku u sjedište izborne komisije mobilni tim:

- a) predaje kompletan izborni materijal izbornoj komisiji
- b) utvrđuje broj potpisa, broji neiskorištene i oštećene kovertne sa glasačkim listićima i sa glasačkom kutijom predaje izbornoj komisiji
- c) utvrđuje broj potpisa, broji neiskorištene i oštećene kovertne sa glasačkim listićima te ih pakira u providnu plastičnu veću vreću, otvara glasačku kutiju, broji kovertne sa glasačkim listićima koje pakira u narandžastu vreću zajedno sa plavom kopijom Obrasca brojnog stanja BSM. Nadalje, predsjednik mobilnog tima popunjava Obrazac brojnog stanja BSM, pakira izvod iz Centralnog biračkog spiska (CBS), Zapisnik o radu biračkog odbora, Obrazac brojnog stanja BSM i PDL obrasce u providnu plastičnu manju vreću i sve to predaju izbornoj komisiji.

Pitanje broj (96)

Nakon utvrđivanja rezultata glasanja i pakiranja materijala, birački odbor odmah a najkasnije 12 sati nakon zatvaranja biračkog mjesta dostavlja izborni materijal izbornoj komisiji, koja provjerava da li je materijal spakiran na propisan način i potvrđuje prijem u primopredajnom obrascu izbornog materijala:

- a) BO-IK
- b) BO-CIK BIH
- c) BO-ZR.

Pitanje broj (97)

Ukoliko izborna komisija nije u mogućnosti objediniti utvrđene izborne rezultate zbog toga što birački odbor nije pravilno izvršio brojanje glasačkih listića, ili radi odstupanja koja ukazuju na neregularnosti predsjednika i članova biračkog odbora kod brojanja glasova, izborna komisija podnosi izvještaj Centralnoj izbornoj komisiji BiH, sa zahtjevom za otvaranje vreće, kako bi se izvršilo pravilno brojanje glasačkih listića u cilju pravilnog objedinjavanja utvrđenih izbornih rezultata. Centralna izborna komisija BiH na osnovu tog zahtjeva donosi naredbu o otvaranju vreće sa glasačkim materijalom i brojanje glasačkih listića u cilju pravilnog objedinjavanja utvrđenih izbornih rezultata.

- a) tačno
- b) netačno.

Pitanje broj (98)

Ponovno otvaranje vreće vrši se za sve izborne nivoe, a ne samo onaj ili one izborne nivoe gdje je došlo do nepravilnog utvrđivanja rezultata glasanja.

- a) tačno
- b) netačno

Pitanje broj (99)

Za potrebe pravilnog objedinjavanja utvrđenih izbornih rezultata i brojanje glasačkih listića iz člana 72. stav (3) Pravilnika o provođenju izbora u Bosni i Hercegovini, izborna komisija dužna je osigurati adekvatan prostor, sa obučanim i certificiranim osobljem i mjerama sigurnosti.

- a) tačno
- b) netačno

Pitanje broj (100)

Objedinjeni izborni rezultati glasanja u osnovnoj izbornoj jedinici upisuju se u obrasce za zbirne rezultate ZR (većinski glas i proporcionalna zastupljenost) na nivou osnovne izborne jedinice. Obrasci za zbirne rezultate na nivou osnovne izborne jedinice sadrže sve podatke koje sadrže i obrasci za zbirne rezultate na redovnim biračkim mjestima.

- a) tačno
- b) netačno.

Literatura:

1. Izborni zakon BiH (“Službeni glasnik Bosne i Hercegovine”, br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 39/22 i 51/22)
2. Pravilnik o provođenju izbora u Bosni i Hercegovini (“Službeni glasnik BiH“, broj 27/22)
3. Priručnik za rad biračkih odbora – Opći izbori 2022.